



Universitätsbibliothek Paderborn

Vera Concilii Tridentini Historia

Contra falsam Petri Suavis Polani narrationem

Pallavicino, Sforza

Antverpiae, 1670

Capvt III. Officia Vicecomitis Tridenti cum singulis Legatis. Rerum status,
quem h̄ic nanciscitur. Auditae ab eodem obtrectationes in Aulam. Ea quae
Pontifex de Sessione celebrata Legatis ...

urn:nbn:de:hbz:466:1-11718

1562.

CAPUT III.

Officia Vicecomitis Tridenti cum singulis Legatis. Rerum status, quem hic nanciscitur. Auditæ ab eodem obtrectationes in Au-
lam. Ea quæ Pontifex de Sessione celebrata Legatis significa-
rit. Abeundi venia à Mantuano petita Repulsa. Iterata eius-
dem petitio. Tres conditiones quæstæ, ut illic persistat.

a Litteræ Vi-
cecomes ad
Borromæum,
18. Iunij
1562.

b Litteræ Vi-
cecomes ad
Borromæum,
22. Iunij
1562.

Per eos dies Vicecomes Tridentum ^a peruenit. Et sine mora, ¹ præter ea quæ detulit ad Altempsum, nihil ad hanc rem spe-
 ctantia, & quæ, sublato fundamento transitus militaris, in
 irritum recidere, mitia mandata sibi tradita peregit cum Legatis
 Osio ac Simonetta. Hic hominem dehortatus est, ne tunc exer-
 ceret austera cum Mantuano ac Seripando, ratus, haud parato eos
 animo esse ad ea cum operæ pretio excipienda. Sed rem largius
 communicauit Vicecomes eum Scarampo Antistite Nolano, qui
 Aiqui in Monteferrato natus, Mantuano Cardinali intimus erat,
 eiusque familiæ subditus. Huic itaque cùm exponeret Vicecomes
 querimonias, quæ in ipsum Romæ serebantur, significauit simul
 per eam opportunitatem grauiores, quæ in primum Legatorum ia-
 stabantur, cui postea nomine Gonzagæ Cardinalis, fratri filij, à se
 renuntiandas esse dicebat, tamquam communes totius collegij sen-
 sus; adiecitque, coniunctionem, mutuamque fiduciam inter Præ-
 fides, eos turbines in malaciam soluturam fuisse^b. De hac ipsa con-
 iunctione ille postea verba fecit cum Simonetta, ostenditque, per
 eam à communibus ipsorum officiis mitigatum & coniunctum iri
 pariter Patrum animos, qui ab æmulationibus magis quam à ratio-
 nibus in certamen adducti videbantur; sed si vñā eademque con-
 iunctim viâ ductores processissent, facili negotio eos pariter qui du-
 cebantur, in diuersas vias minimè disiunctum iri.

Non modò paratum ad id animum, sed eius perficiendi cupi-²
 dum præ se tulit Simonetta, cohortatusque Vicecomitem est, vt
 rem, quemadmodum fecit, transigeret cum Mantuano; à quo ro-
 gatus ut amicè sibi detegeret quæ de se audiuisset, opportunitatem
 hinc arripuit enarrandi libere, quasi per obsequium, adeoque non
 irreuerenter, quæ de ipso Romæ iactabantur, eò quod ille argu-
 mentum de mansione proposuisset, & postea eius definitionem Pa-
 trum sententiis commisisset, ac demum agendum de illa spopon-
 disset vñā cum Ordinis Sacramento; neque minus, quod neglexis-
 set

HISTORIÆ CONCILII TRIDENTINI Lib. 17. Cap. 3. 11

set declarationem Continuationis in postrema Sessione, cùm propter Oratoris Hispani acerrimas postulationes, re Cæsarianis haud indicatâ, ea facile pacateque haberi potuitset. 1562.

3 Egit gratias ob allatam sibi rerum notitiam Mantuanus: quæ obiectabantur, singulatim diluit. Dixit, iisdem rationibus se fuscè purgasse Borromæo per litteras, & Pontifici per missum à se hominem è sua familia Arriuabenum: alias præterea calumnias sibi obiectas à se resciri, sed ex probitate prudentiaque Pontificis spem ab ipso concipi, eas apud illius animum fidem non habituras. Et sane Pontifex in litteris publicis, quas à Borromæo scribi iusserat, nullius ægrimonie indicia præ se tulerat; quin commendatus ab illo fuerat postremæ Sessionis euentus, in quo solum desiderabatur, vt in Decreto disertè explicarentur dogmata declaranda in Sessione proxima, quo prænuntiaretur quodammodo futura Continuatio: sed responsum à Legatis est, id ipsum à se optatum fuisse, sed simul agnatum, fieri non posse; præterea quod Hispani, eorumque assemblæ, in articulo de mansione numquam consensuri fuissent vlli explicationi rerum agendarum, quin simul Continuationis caput explicaretur.

4 Èdem libertate, quâ Vicecomes Mantuano significauit criminationes, quibus ille insimulabatur Romæ, siue antequam discederet à se auditæ, siue lectas in litteris postea acceptis, scriptis pariter ad Borromæum eas, quæ in illum & in eius Patruellem sibi aures verberarant in breui commemoratione Tridentina: Actas fuisse gratias iis qui mansionis declarationi restiterant, & iniectas querelas in eos qui illam promouerant, quod videbatur diminutio quædam libertatis Concilij. Idcircò maximâ se circumspectione ut in adeundis frequenter Episcopis, & in modo agendi grates nomine Pontificis iis, siue Italis siue Hispanis, qui se obsequentiores ostenderant Apostolicæ Sedi, ne huiusmodi officia caperent à fama aut à suspicione mendacia incrementa, & aduersa commenta. Excitum fuisse murmur de venia abeundi, quam à Pontifice Mantuanus petierit^e, ac duas eius causas afferri; quod Aulæ Pontificalis litteræ, quæ in Mantuani, ceu primi Legati, manus anteā deferebantur, postea ad Simonettam mitterentur; & quod Gonzaga Cardinalis, eius fratri filius, Romanum non accerferetur à Pontifice ad cœtus de huiusmodi negotiis, quemadmodum anteā fieri solebat. Dici, hanc abeundi veniam graui futuram detrimento, tum ob venerationem, quâ Mantuanum prosequebantur omnes Præfules, tum ob rationem, quam de ipso cuncti Principes habebant; à qua con-

^e Due litteræ Vicecomes
mijis ad Bor-
romæum,
21. Junij
1562.

1562. stantissima erat persuasio , vnicè commotum Hispaniæ Regem , abstinuisse à missione Oratoris Vargas ad Synodum , ministri scilicet Pontifici parum accepti , & quieti Concilij parum opportuni.

^d Litteræ ci-
tate Vice-
comitis ad
Borromœum.

Nec vanus erat hic rumor de petita à Cardinali venia ^d , tametsi ^e ille à Vicecomite, cui res suboluerat, primùm interrogatus , acriter inficias iret, turbatumque animum præ se ferret, seu quòd nollet fabularum argumentum euadere , seu quòd irreuerentiam erga Pontificem putaret, si hanc petitionem ante impetrationem vulgareret , perinde ac si forte repugnaret Pontifex, videretur Legatus voluisse irati animi sensus in Principem iactitare , & palam facere , illum propemodum sibi inclinatum. Sed sicuti veræ causæ minus quam effecta patere solent, ita in eo negotio contingebat. Hæcau-
sæ illæ non erant , quas ad aures Vicecomitis fama detulerat , sed longè aliae : nimirum , quòd Pontifex ^e postremò dixerat Comiti Francisco ab Andriano, Oratori Duciis Vrbinatis , sibi & vniuerso Collegio haud plenè satisfactum à Mantuano , quem ipse elegerat tamquam Legatum , viuumque oraculum suum in Concilio , quòd ibi mentem suam candidam puramque repræsentaret , & qualem ipse Deus iniecerat, non autem propriam, quam ille gerebat. Eum in articulo mansionis nimiam fidem , & præter rationem , habuisse quibusdam Cœnobitis , qui vtilitate ducebantur : in articulo de Continuatione plus æquo & rei notitiam & satisfactionem fuisse ab eodem præstitam Cæsarianis, cùm oportuisset opus illud priùs confici quam dici. Quapropter si Legatus parato esset animo ad sibi moderandum in posterum ex conscientia Pontificis , qui tam sibi quam illi sinceram & Christianam inesse censebat , & cuius personam idem gerebat , Pontificem in obliuionem rerum præteriorum venturum : fin minus , illum opportuniū acturum , si ab incepto desisteret ; aliter enim coactum iri Pontificem à conscientia ac ratione ad alterum ipsi sufficiendum.

Neque huic homini tantummodo animi sui amaritiem aperuerat Pontifex , sed etiam aliis pluribus , præsertim Vrbinati Cardinali dixerat, A Mantuano in disceptatione de iure residendi fuisse adhibita manum & caput : & per Comitem Fredericum Borromœum Gonzagæ Cardinali significarat , ^f eius patrum Sedis Apostolicæ cladem meditari. Nec obscurè Pontifex indicarat, velle se , ut per eos Proceres , amore & sanguine cum Mantuano coniunctos , hic certior de iis fieret; adeoque ipsum inuitabat ad veniam abeundi petendam , ne dimissionis dédecus idem opperiretur. Præter hæc acceperat Mantuanus indignatione acerbissimâ (seu verum id

^f Litteræ Vi-
cecomitis ad
Borromœum,
29. Iunij
1562.

id esset, seu falsum) quosdam Episcoporum fuisse gloriatos, se suis litteris effecisse, vt in eas Pontifex obiurgationes prorumperet; atque inter hos Sanfelicium ille nominabat, Concilij Curatorem, & Thomam Stellam Iustinopolitanum Antistitem, qui vulgari cognomento (causam ignoro) *Tedeschinus* dicebatur. Id vero intollerabiliora reddebat illi vulnera, quippe inficta ab inferiori manu, & per iactantiam; adeoque per despicientiam ab iis profectam, qui si odio eum prosequabantur, reuerentiâ certè prosequi debuissent. Verùm quemadmodum anxietas aestimationis maior est erga patrem, quam erga sine comparatione minorem, nec vlla offensio acerbior est, quam quæ in æmuli conspectu accipitur; ita propter veteres æmulationes inter Gonzagas & Farnesios, nihil, vt opinor, altius vulnerauit animum Mantuani in eare, quam verba quædam supra modum iracunda, quæ Cardinalis S. Angeli à se audita narravit ab ore Pontificis in ipsum prolatæ.

7 Is itaque per Arriuabenum clàm, sed ardenter postulauerat abeundi veniam. Sed Pontifex in agendo quam in loquendo circumspectior, pedem postea retraxerat, responditque, id offensioni publicæ futurum; simul de Mantuano honorifice & amanter loquens adiecit, se collegis mandasse, vt illi morem gererent, & obsequerentur. Non tamen abstinuerat vel in eo actu à querimoniiis, dicens (ad mitigandam fortasse interpretandamque alio sensu oblatam, seu potius per minas intentatam veniam) Si noluisset Mantuanus tempore præterito sibi parere, nec suum iudicium sequi, satius futurum fuisse, si iam tum abeundi veniam postulasset. Huiusmodi responsa tametsi ex vna parte Legatum solabantur, quippe quæ indicabant, nec ipsum nec ipsius operam à Pontifice despici; tamen ex altera eumdem perculere, quod inde cognosceret, tam multa quæ ad se purgandum scriperat, aut per Pontificis oculos haud transfiisse, aut ad illius animum haud penetrasse; adeoque sibi videbatur adigi se ad conditionem durissimam, quæ insisteret labori seruandi, sine leuamine gratificandi.

8 Idecirco peracerbè doluit, quod proniorem in Pontifice fidem nanciserentur huiusmodi aduersum se obtrectatores, quam suæ conditionis, suæque vitæ antea etæ testificatio, præter eam, quam tot egregij Præsules & collegæ fecerant ad eum purgandum, ab ipso productam, & inter alios ipse Altempsius Cardinalis, Pontificis ex sorore nepos: oblocutores usque adeò præpotuisse, vt Pontifex proximis diebus plane statuerit Legatos sibi superiores adiicare. De mandatis, quæ Pontifex significabat ad collegas à se missa

1562. in ipsius emolumentum, aliam à se prærogatiuam non appeti, nisi quam suus sibi gradus tribuebat; simulque à se ambiri, non ut alii Legatis superior, sed ut vna cum illis vnum atque idem planè esset. Hos in se animi sensus ex eo patere, quod ipse nihil egerat non modo illis nolentibus, sed ne inficiis quidem; cùm vel à priuatis colloquiis numquam ab iis discors abscesserit, quemadmodum testari poterat Altempsius. Quando Pontifex ipsum iubebat in legatione persistere, se ad illi obtemperandum inclinare; sed tres conditio-nes à se peti, tamquam beneficia sibi necessaria, quod redderetur idoneus ad seruendum: cùm diu nauiter fieri non possit, quod per summam animi repugnantiam fit, & cum euidenti discrimine, in quo ipse versaretur, amittendi pretiosissimi sibi thesauri, hoc est Pontificiæ gratiæ.

Prima erat: Vt Pontifex eā quæ sibi maximè probaretur formâ diligenter illa inquireret de quibus ipse insimulabatur. Altera, Vt vbi ipsum insontem compresisset, si nollet in calumniatores quidquam animaduertere, nullam certè fidem haberet in posterum illatis ipsi criminacionibus, nisi priùs illas sibi significasset, eiusque defensiones audiisset: sicuti ex aduerso, vbi aut anteā aut in posterum in ipso deprehenderet seu tenuem erga Pontificem obedientiam, seu modicam sollicitudinem de Sedis Apostolicæ dignitate, seu erissimis pœnis ipsum addiceret. Tertia, Vt dignaretur animum adiicare ad ipsum oneri subtrahendum per primam quæ se offerret opportunitatem, eā ratione, quam eius prudentia illi pio negotio accommodatam putaret, cùm se adeò defatigatum corpore animoque sentiret in eo laborioso ministerio, vt agnosceret, se illi diutius sustinendo non esse: exempli nouitatem non obstat; etiam Polum obtinuisse, vt legationem interrumpet ad corpus purgandum, nec eam amplius ab eo resumptam fuisse. Sperare se à Pontificis bonitate id leuaminis, quo indigebat vitæ suæ incolumitas, quam nouerat non dēsignari Pontificem sibi charam habere, & quæ quamdiu perdurasset, ad illius obsequium perdurasset. Hæc scripsit Mantuanus, non tamen à continuatione muneris alienus, sicuti detexit Vicecomiti, vbi ostenderet Pontifex se ipsi reuerà confidere.

Æmulationes intestinæ famam Concilij non mediocriter id temporis offuscabant. Etenim Episcopi qui erant discordes, collegas vicissim habebant quasi aduersarios: & dum in alios alij obloquebantur, effecere ut tandem Synodus vniuersa incusaretur. Ea præfertim pars, quæ suffragiorum numero erat inferior, alteram sibi supe-

In duabus
litteris Vice-
comitis ad
Borroméum,
20 Junij
1562.

superiorem accusare non poterat, quin totum corpus accusaret. 1562.
 Sed multò amplius quam Præsules, in eo famuli peccabant, genus
 hominum ad contendendum proclive, & ad heriles ægrimonias
 expromendas immoderatum, cùm cā ratione, animi ac linguae mali-
 ginitas quasi virtutem fidelis gratiæ animi fese ostentat. Inter ce-
 tera epistola quædam auctoris anonymi prodit^h, quæ se scriptam ^{h Est in Ap-}
 Tridenti Romam ad amicum simulabat. Hæc, quasi illinc acce-^{pendice Mu-}
 pta, ad Lansacum missa est ab Oratore Gallico, Venetiis degente:
 cumq[ue] hoc pacto fuisset vulgata, Lansacus rem pluribus excusa-
 uit, & per se apud Legatos, & Romæ per Oratorem Galliæ apud
 Pontificem, ne crederetur Concilij nomen à Regis administris fœ-
 dari. In ea epistola, vt mos est satyricis subdolis, qui se laruâ pro-
 castide communiunt, adeoque se audaciâ obarmant, multæ in Con-
 cilium calumnia continebantur; ac demum deducebatur, Cùm
 per illud vñitas Ecclesiæ sperari non posset, opportuniū fore ipsum
 suspendi. Atque ex huiusmodi scriptis Suavis clementia magna ex
 parte desumpsit ad suam historiam fabricandam. Grande p[ro]fectō
 documentum, quām necessaria sit in Senatoribus tum linguae li-
 bertas ante sanctiones, tum eiusdem postea subiectio communiori
 iudicio; quod difficulter effici potest, quin erga Senatum obedien-
 tia exerceatur non voluntatis modò, sed etiam intelligentiæ: ob-
 sequium sanè non extra vires humanas, si obscuritas & incerta ra-
 tio humanorum consiliorum spectet, quæ amplam nobis liberta-
 tem relinquit ad opinandum quidquid libuerit.

C A P V T I V .

Multa Suavis errata. Bauariæ Orator exceptus. Illius, & Ve-
 netorum mutuæ denuntiationes. Lis cum Heluetiis & Floren-
 tino. Postulata Bauari & Caſarianorum in Concilio.

TEmpus nos admonet, vt aliquantulum infistamus in notan-
 dis simul variis Suavis erratis, hæc facta narrantis. Ac pri-
 mò quidem rumores illi populares, per quoś inaudierat Vi-
 cecomes, mutatum in Aula Pontificis ordinem in mittendis litteris,
 quod non amplius ad Mantuanum, sed eius loco ad Simonettam
 mitterentur, quodque à cœtu Cardinalium, ad expendendas Tri-
 dentinas res selectorum, amotus fuisset Gonzaga Mantuani fratri
 filius, manserunt in quibusdam monumentis, dubitationis in mo-
 dum, effeceruntque, vt Suavis, re minimè introspecta, utrumque
 animosè affirmaret, & per consuetum temerarii narratoribus in-
 fortunium